

- 40 Quem quoniam mire sic plures constat amare,
 Eius ut obnixè contendant omnia scire,
 Hincque quid effari sit nectare dulcius omni,
 Non reor ingratum cuiquam vel inane putandum,
 Si, desiderio satis ut faciamus honesto,
- 45 Plus aliquid coepto discingimur in referendo,
 Hic quam magnorum de sanguine duxerit ortum.
 Quod licet argutos videam deposcere cantus,
 Id tamen ut rauca potis est modulemur avena;
 Forsan erit gratum quod non est usque sonorum.
- 50 Hunc igitur, veluti iam dudum dicere coepi,
 Praeclari¹ meritis et quas dat copia gazis
 Felici thalamo generarunt auspice Christo. f. 84'.
 Nam genitor latis Eliolfus² dives in agris
 Primus primates inter fuit Hasbanienses,
- 55 Quodque magis laudes, virtutum stemate pollens;
 Unde, licet 'pulchre solus' sit nomine dictus,
 Aptius inde tamen hoc illi censeo nomen,
 Promeruit talem quod mundo gignere prolem,
 Qui ceu sol radiis depellens nubila noctis,
- 60 Sic sic virtutum miro splendore suarum
 Et studiis, oculus quae simplex lucida fecit,
 Erroris tenebras multorum corde repellens
 Ac clara fidei perfundens agnitione,
 Lumine³ perpetui dedit exultare diei.
- 65 Ergo 'ferens solem' fas est hoc solvere nomen,
 Quod constat patri meritis accedere nati.
 Iam vero quidnam matris de nomine dicam,
 Quod ratione pari meritum portendere nati
 Non dubitet quisquam, qui vel dinoscere quicquam
- 70 Sermonum didicit quos quis Theutonicus edit? f. 85'.
 Adaltrudis enim meruit babbismate nomen,
 Quod cum 'nobiliter' multis designet 'amatam',
 Quo potius merito credas hoc munere dignam,
 Quam quod prole sua decoravit saecula nostra,
- 75 Cum puerum talem felix hunc fudit in orbem,
 Qui bonitate sui thesauro gratior omni,
 Allowinus, id est 'cunctorum carus', et esse
 Et dici meruit tempusque per omne manebit?
 Quem si fortassis vulgari nomine malis
- 80 Dicere Bavonem, simul hic quoque disce sonantem
 Atque brevi strictam meritorum collige summam.

1) 'Praeclaris' Hs. 2) Eilolphus genannt in der Vita S. Bayonis auct. Theoderico abbate, Acta SS. Oct. I, 244. 3) Von hier an andere blässere Tinte in der Hs., aber dieselbe Hand bis zum Schluss.